



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Concilivm Romanvm III. Qvod Sanctvs Papa Silvester Celebravit
(Praesente Constantino Avgvsto) in vrbe Roma, intra thermas Domitianas,
cum 275. episcopis, qui in ipsa Synodo conuenerant, vocati a ...

urn:nbn:de:hbz:466:1-15072

CONCILIVM ROMANVM III.
 QVOD SANCTVS PAPA SILVESTER
 CELEBRAVIT

ANNO
 CHRISTI
 335.

^b(PRÆSENTE CONSTANTINO AVGVSTO)
*in vrbe Roma, intra thermas Domitianas, cum 275.
 episcopis, qui in ipsa Synodo conuenerant, vocati
 a beato Siluestro.*

SILVESTER episcopus sanctæ & apostolicæ sedis vrbis Romæ dixit: Quidquid in Nicæa Bithyniæ constitutum est, ad robur sanctæ matris ecclesiæ catholicæ & apostolicæ, a sanctis sacerdotibus trecentis decem & octo, nostro ore conformiter confirmamus. Omnes qui ausi fuerint dissoluere definitionem sancti & magni Concilii, quod apud Nicæam congregatum est^d sub præsentia piissimi & venerandi principis Constantini Augusti, anathematizamus. Et dixerunt omnes: Placet.

DE PASCHÆ SOLENNITATE.

OMNIBVS episcopis & presbyteris præceptum est, Paschæ obseruantiam custodire a luna 14. vsque ad 21. ita vt Dominicus dies coruscet. Et dixerunt episcopi: Placet. Rursus Siluester episcopus dixit: Robustius duximus consilium, (si placet,) vt omnis episcopus qui conuenit ad Concilium, fidem suam chirographo confirmet, vt deinceps rediens ad parochiam suam, compaginem nostræ salutationis plebi suæ innotescat, vt fide Concilii declarata, intemeratus ordo seruetur. Et dixerunt episcopi: Placet.

NULLI CLERICO LICERE, CAUSAM
in publico examinare.

Siluester episcopus dixit: Nulli omnino clerico licere, causam quamlibet in publico examinare, nec vllum clericum ante iudicem laicum stare. Et dixerunt episcopi: Placet.

DE PRÆFICIENDIS IN ORDINIBVS
& proficiendis.

Si quis clericatum promereri desiderat, hoc iustum est, vt sit ostiarius annum 1. lector annos 20. exorcista annos 10. acolythus an. 5. subdiaconus an. 5. diaconus annos 5. Et si ad honorem presbyterii accedat, & faciens in eo ordine annos 6. si fuerit omnium votiua gratia, non præmio, non inuasiōe cupiditatis, nulli * prorumpens gradum, sic ab omni * præficiens ecclesia eligatur consecrandus episcopus, nullo de membris ecclesiæ * intercedente, & omni ecclesia * intercedente, conueniente. Et dixerunt episcopi: Placet.

Vt nulli episcopo liceat sine cuncta ecclesia, a nouissimo gradu vsque ad primum, ordinare neophytum. Et dixerunt episcopi: Placet.

Siluester episcopus dixit: A nobis incipientes moderamine lenitatis indicare, commonemus, vt nulli episcopo liceat, quemlibet gradum clerici ordinare aut consecrare, nisi cum omni adunata ecclesia. Si placet? Et dixerunt episcopi: Placet.

NOTÆ.

^a *Concilium.*] Cum patres Nicæni Concilii constitutiones sacrosanctæ Synodi ad Siluestrum pontificem Romæ agentem transmississent, easque pontificia auctoritate confirmari, per epistolam quamdam synodicam, superius in Concilio Nicæno repositam, humiliter
Concilii causa, tempus & locus.
Concil. Tom. 2.

Q 99 ij

Numerus
episcoporum.

petiissent; iustæ postulationi eorum Silvester pontifex non grauate detulit, subitoque indicta Synodo ex Italia, aliisque vicinis prouinciis, ducentos septuaginta quinque episcopos conuocat, atque post confirmatum Nicænum Concilium, nonnulla mores fidelium concernentia decreuit, ex quibus supradicta tantum fragmenta supersunt. Baron. ann. 325.

ANNO
CHRISTI
325.

Error tituli.

^b *Præsente Constantino.*] Is qui titulum hunc Concilio præfixit, in eo, quod illud Romæ in præsentia Constantini imperatoris celebratum fuisse aperte profiteretur, plurimum a veritate aberrauit. Nam dum singuli episcopi clarissimis congiariis ac donatiuis ab imperatore remunerati, Nicæa discessissent, imperatorem isthinc Byzantium profectum, aliquamdiu in oriente permanisse, ex Nicephoro aliisque asserit Baronius n. 196. ann. 325. Hæc verba Canonis primi: *Sub præsentia piissimi ac venerandi principis Constantini Augusti*; causam errandi præbuerunt. Retulit enim illa imprudens ad verbum *anathematizamus*; quæ ad antecedens verbum *congregatum* verissime referenda esse, ex prædictis liquido constat. Tollenda est igitur ea interpunctio, quæ allegata verba a se inuicem disungit. Baron. n. 199. ann. 325.

Apostolicæ
fedis est,
Concilia
confirmare.

^c *Nostro ore conformiter confirmamus.*] Nicænum Concilium ab apostolica fide confirmatum & approbatum fuisse, testatur Felix papa tertius epistola quarta, his verbis: *Domino ad B. Petrum apostolum dicente: Tu es Petrus, & super hanc petram adificabo ecclesiam meam: eam vocem sequentes trecenti decem & octo patres apud Nicæam congregati, confirmationem rerum atque auctoritatem S. Romanæ ecclesiæ detulerunt.* Siluestri epistola ad Synodum rescripta idem firmissime attestaretur, si non ob consularum Constantii IV. & Constantini octauum perperam in ea positum, mendosissima & fere commentitia reputaretur. Imo si neutra epistola extaret, vel vtraque omnino vt spuria reiiceretur, ipsa tamen antiqua iura ecclesiæ, vetustissima obseruatio, traditio & constitutio apostolica, (de qua Socrates lib. 2. cap. 13. hæc: *Canon ecclesiasticus vetat, ne decreta absque sententia episcopi Romana ecclesiæ sanciantur*;) satis manifeste indicarent, sacrosanctæ Nicænæ Synodi decreta ab episcopo Romanæ ecclesiæ firmitatem & robur accepisse. Baron. num. 171. & 172.

Epistola
Siluestri ad
Synodum
mendosa.Canon de
confirmandis
Conciliis per
fidei apost.

^d *Sub præsentia piissimi, &c.*] Hæc verba sic continuanda sunt, vt indicent Nicænam Synodum in præsentia Constantini imperatoris congregatam fuisse, cum paulo post Romæ acta simul & constitutiones Nicæn. Concil. per Synodum auctore Siluestro congregatam confirmarentur, cumque ipse imperator adhuc in oriente moraretur, vt supra diximus.

^e *Omnibus episcopis.*] Vide quæ supra diximus in notis Concilii Nicæni, verbo *Quartadecimanorum.*

^f *Robustius duximus consilium.*] Quia titulum huic Canonis præfixum omnino falsum esse constat, (cum ne verbo quidem de Concilio ter in anno celebrandis, quod præ se ferebat titulus, mentio fiat,) Baronium in annalibus secuti, hæc cum præcedentibus verbis con-

ANNO CHRISTI 493

iunximus; maxime propterea, quod sicut auctoritate Leonis pontificis acta Ephes. Concilii per subscriptionem episcoporum absentium, & indicta Synodo convenientium, sunt confirmata; ita hoc loco ducenti septuagintaquinque episcopi, auctoritate Silvestri pontificis congregati, non aliud prestare iussi fuerunt, quam ut fidem Concilii Nicæni dato chirographo approbantes, eamque in suis diocesisibus promulgantes, uniformiter credant, atque vno eodemque tempore resurrectionis dominicæ memoriam obseruent. hoc est, quod subdit, *ut fide Concilii declarata, intemeratus ordo seruetur.*

Generalibus Conciliis episcopi etiam absentes subscribere soliti.

ANNO CHRISTI 493

CONCILIVM GANGRENSIS CELEBRATVM
TEMPORE SILVESTRI PAPÆ I.

(Circa annum Domini 324.) in Paphlagonia, seu regione Pelasgorum, aduersus Eustathium & Sebastianensem in Armenia episcopum. Et est prouinciale, sed approbatum a Leone IV. dist. 20. c. de libell.

ΚΑΝΟΝΕΣ ΤΩΝ ΕΝ ΓΑΓΓΡΑ ΣΥΝΕΛΘΟΝΤΩΝ ΑΓΙΩΝ ΠΑΤΕΡΩΝ

οἱ πνευ μὲ τῶ ἐν Νικαία συνόδου ἐξετέθησαν.

CANONES SANCTORVM PATRVM, QUI GANGRIS CONVENERVNT,
qui cum Nicæna Synodo eduntur.

Κυρίως πρωτότατοι ἐν Ἀρμενίᾳ συλλειτουργοί, Εὐσέβιος, Ἀλιανός, Εὐλάγιος, Ολύμπιος, Βιθυνικός, Γρηγόριος, Φιληπὸς, Πάππος, Εὐλάλιος, Υπάτιος, Προαίρησις, Βασίλειος, Βάστος, συναελθόντες εἰς τὴν κατὰ Γάγγραν ἀγίαν συνόδον, ἐν κυρίῳ χαίρειν.

Dominis honorabilibus consacerdotibus, in Armenia constitutis, coepiscopi Eusebius, Hyppatius, Eulalius, Gregorius, Alianus, Bithynicus, Olympius, Bastianus, Bastilius, Philletus, Heraclius, Pappus, Eugenius, Osius Cordubensis, Proeresius, Bassus, qui conuenerunt in Gangrensi Concilio, in Domino salutem.

ΕΓΕΙΔΗ συνελθούσα ἡ ἀγιωπέτη συνόδος τῆς ἐπισκόπων ἐν τῇ κατὰ Γάγγραν ἐκκλησίᾳ, διὰ πᾶσας ἐκκλησιαστικὰς ῥεῖσας, ζήτησιν καὶ τῆς κατ' Εὐστάθιον, ἐρεσκῶν πολ-

QVONIAM conueniens sancta Synodus episcoporum in ecclesia Gangrensi, propter quasdam ecclesiasticas & necessarias causas inquirendas, & ea quæ secundum Eustathium ge-
Qqq iij